

# 發哥大派愛心月餅 關懷弱勢社群

14,623

目錄

讚 82

建立時間: 0909 23:09



發哥萬歲，請大家食月餅!



中秋節就到，最好最好嘅節目，就係能夠同家人一齊，平平安安齊齊整整食餐餅，食團圓月餅，沖壺靚茶，玩住燈籠賞月。不過，對於依家日夜趕拍新片新劇嘅電影人電視人而言，中秋放假賞月，會否只是一場白日夢呢？

好似發哥、霆鋒、杜汶澤等人近日忙拍王晶新片《賭城風雲》，今日，依家，呢個moment，仲係趕緊戲，正月十五放唔放到？未敢樂觀，但發哥就送咗份好warm嘅禮物俾大家……就係月餅喇！

方才杜汶澤嘅facebook貼咗張相，相中只見一袋二袋月餅，有個牌嘅喺度寫住「中秋月餅 發哥萬歲」，霆鋒助手都馬上貼咗張月餅相上微博，多謝發哥。

咁發哥送邊個牌子嘅月餅俾大家呢？X華？XX娜？錯。發哥送嘅，係東華三院旗下「iBakery愛烘焙麵包工房」造嘅月餅。

iBakery係東華屬下嘅社會企業，由一班熱愛烘焙工作人士運作，其中一半，係殘疾人士。呢個工房，除咗為佢哋提供訓練同工作機會，亦供應唔同產品，滿足顧客需要；好似今次整月餅咁，原來已經係第三年做0架喇。月餅全部人手香港製造，因為時間唔夠，訂單又多，所以要搵義工嚟幫手整餅。中秋未到，已經賣晒。

發哥有呢份心思，送月餅與眾同樂，令人倍感溫暖；但更令人感動係，發哥唔係求其買幾百盒大牌子月餅再搵人送貨就算，而係佢選擇咗東華三院呢款月餅。發哥呢份心思，以及對社會嘅關懷，才是最令人感動。

想知更多？去呢度：<http://ibakery.tungwahcsd.org/ibakery/>



杜汶澤facebook



霆鋒助手於微博多謝發哥送月餅。



呢張相出自杜汶澤手筆。